



CONVENIO DE COLABORACIÓN ENTRE A CONSELLERÍA DE CULTURA, LINGUA E XUVENTUDE DA XUNTA DE GALICIA E O CONCELLO DE POIO PARA A REALIZACIÓN DE TRABALLOS ARQUEOLÓXICOS NA ILLA DE TAMBO (POIO, PONTEVEDRA)

MEMORIA TRANSPARENCIA

Ángel Miramontes Carballada, director xeral de Patrimonio Cultural da consellería de Cultura, Lingua e Xuventude,

DECLARA:

Que esta dirección xeral de Patrimonio Cultural pretende formalizar co Concello de Poio, o instrumento convencional arriba referido por un período de vixencia que abrangue dende a súa sinatura ata o 30 de outubro de 2025.

Que o instrumento convencional ten por obxecto:

É obxecto do presente convenio regular as bases de colaboración entre a Consellería de Cultura, Lingua e Xuventude da Xunta de Galicia e o Concello de Poio, para a realización de traballos arqueolóxicos na Illa de Tambo (Poio, Pontevedra).

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

O xacemento arqueolóxico de Castro da Illa de Tambo, sitúase no concello pontevedrés de Poio.

O catálogo do Plan básico autonómico de Galicia recolle cinco bens.

De acordo co establecido no artigo 30 da LPCG, na Illa de Tambo deben considerarse integrados no

Catálogo do Patrimonio Cultural de Galicia os seguintes bens:

- Area da Illa
- Castro de Tambo
- Muíño navicular
- Núcleo de sílex



- Faro de Punta Tenlo Chico.

No ano 2023 a Dirección Xeral de Patrimonio Cultural promoveu unha intervención arqueolóxica co fin de levar a cabo tarefas de roza de vexetación no sector superior do Castro da Illa de Tambo (GA36041043), como primeira fase que permita desenvolver novas actuacións arqueolóxicas encamiñadas a definir a configuración e delimitación do ben, así como os seus ámbitos e fases de ocupación. No momento da definición do proxecto, a profusa vexetación e o estado de abandono do monte nese lugar dificultaba notablemente o acceso e o tránsito polo ben, dificultando a realización de actuacións arqueolóxicas específicas tales como sondaxes ou escavacións en área puntuais.

Tendo en conta os valores culturais que posúe o xacemento arqueolóxico de Illa de Tambo (Poio, Pontevedra) como un dos fitos representativos da Galicia romana, a Dirección Xeral do Patrimonio Cultural e o Concello de Poio consideran necesario continuar cos traballos arqueolóxicos no sitio coa finalidade de un coñecemento máis detallado dos abundantes restos que permanecen hoxe en día, os cales nos falan do uso da illa, dende tempos da Idade do Bronce ata a actualidade.

Estes traballos faranse con metodoloxía arqueolóxica e serán dirixidos por un/ha arqueólogo/a que cumpra os requisitos esixidos polo Decreto 199/1997, do 10 de xullo, polo que se regula a actividade arqueolóxica na Comunidade Autónoma de Galicia.

Ademais da propia intervención arqueolóxica, tense previsto levar a cabo diferentes accións de divulgación dos traballos arqueolóxicos realizados nas que se fará constar a colaboración e financiamento da Consellería de Cultura, Lingua e Xuventude.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, ou doutro instrumento alleo á natureza estritamente convenial.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do convenio que se pretende, con exclusión doutras figuras.

E para que conste, asínase esta memoria.

